

HUMANITARCI OPTUŽUJU LIBIJU ZA OKRUTNOSTI PREMA PRISTALICAMA bivšeg lidera Muammera El-Kazzafija



Bivši libijski lider Muammer El-Kazzafi

Grupa zapadnih humanitaraca u četvrtak 26.01.2012. objavila je da službena libijska vojska zajedno sa nekim milicijama učestvuje u mučenju i okrutnom kažnjavanju pristalica bivšega režima, i tvrdi da su mnogi podlegli mučenjima. Međunarodna organizacija za zaštitu ljudskih prava priopćila je da unatoč obećanjima službenih libijskih organa mučenja i okrutna kažnjavanja nisu prestala. Zbog toga je organizacija *Liječnici bez granica* obustavila djelovanje u Misurati gdje se najviše i najokrutnije krše ljudska prava. Predstavnici humanitarnih organizacija izjavljuju da su bivše revolucionarne skupine najokrutnije u kažnjavanju pristalica bivšega pukovnika i da predstavljaju pravu i istinsku opasnost za zemlju. Predstavnici humanitarnih organizacija izjavili su da je veliki broj osoba podvrgnutih mučenju podlegao. Predstavnici organizacija kojima je sjedište u Londonu i drugim britanskim gradovima obišli su brojne njima poznate zatvore i centre u kojima se nalaze pristalice režima, kako u većim, tako i u manjim gradovima, i uvjerali se u nemoguće stanje tih zatočenika. Oni tvrde da ni jedno saslušanje zatočenika nije obavljeno na zakonski način. Zatočenici su priznali predstavnicima organizacija za ljudska prava da su mučeni različitim predmetima, pendrecima, kabelima, plastičnim vrećama napunjenim pijeskom, elektro šokovima. U tim zatvorima nalazi se i veliki broj stranaca koji su uhvaćeni i optuženi da su bili u redovima Kazzafijeve vojske. Naročito se okrutno postupa prema državljanima zemalja iz Afrike i zemalja koje okružuju Libiju. Grad Misurata prošle godine doživio je teška razaranja od strane vojske Kazzafija, Nakon što si revolucionari Misurate oslobodili grad krenuli su na Sirt grad Kazzafija i tamo počinili strašne zločine uključiv i mučenje i ubojstvo libijskog lidera Kazzafija.

Ministar pravosuđa opsjednut brojnim optužbama izjavio je da je formirano povjerenstvo koje treba obići sve zatvore u Libiji i u izvješću konstatirati stanje u njima. Veliku smetnju predstavlja i činjenica da nove libijske vlasti ne uspjevaju se nametnuti naoružanim licima koji koriste nesmotrenost vlasti i nameću se kao surogat.